

اسلام مجموعہ سی

شعاری: "دینی بر مہیات، حیاتی بر دینہ" در .

پیل ۲ صانی ۳۸ ۱۹ ذی الحجہ ۱۳۳۲ مدیری: حلیم ثابت
۱۵ تشرین اول ۱۳۳۱

جلد : ۴

قرآنہ کریم

سورہ بقرہ تک ۲۵۸ نجی آیتند ۲۷۵ نجی آیتہ قدر مفهوم شرقی
حاشیہ لی مفهوم قرآنند مرحوم مناستری رفت

فقد

اجتہاد خطاری منصور زاده سعید

دینہ فلسفی

دینی ذوق، دینی حیات عبداللطیف نوزاد

تاریخ

ابن تیمیہ (ابن تیمیہ تک چکدیک زحمت و مشقتی ۳۵ نجی صایدن مابعد) رضا الدین بن فخر الدین

نسخہ سی ۶۰ بارہ در

توزیع یری « زمان کتب خانہ سیدر »

نجم استقبال مطبعہ سی

دشمنیدر . بونک ایچون او ، تقلیدی اورته دن قالدیرمش ومقلدلی عقل ورویتدن محروم . کومته ره وک حقلرنده آچی حکملر ویرمشدر ؛ بونلره ذهنی طورغونلقدن قورتولق ، کلش کچمش کندیلرینه بکزر بر طاقم آدمیره ویا جاهلله اسیر اولقندن واز کچمک ایچون یوللر اوکرتمشدر .

(۱۱) اسلام اویله بر زمانده ظهور ایتدی که خلق بربرینه اویمایان آرزولر پیشنده قوشوبوردی ؛ اقوام بربرینه کیرمش ، عضیت اورتلنی آلت اوست ایتمشدی . پیغمبره تابع اولانلر ؛ بدایت امرده بو غلغله نك ایچنده سونوب کیتمکدن قورقان ، (عجبا کیمسه دن اورکه دن سربست سربست عبادت ایده جک بر کون کوره جکمی بز ؟) ده دن بر زمره ایدی . جناب حق ، اولاه وعد ایتدی وصوکر او بارلاق کونی کوستردی .

بو کونده علم ، اورتلقندن بر سورو اسکی تلقیاتی قالدیرمقده ، انسانیتی حقیقته طوغرو ایلرله تمکده در . اسلامیت ایسه ، آدم اوغلنه محبت وشفقت نامه ، نشر ایدله سی لازم بر دیندر . چونکه : بشریتی بوتون قنالقلردن قورناراجق یگانه چاره در . ا ه . بتصرف .

دینی ذوقک اک عالی وقوسی بر درجه سی ایشته بو یولده آ کلاشیلان ، بو یولده یاشانیلان دینی حیاتده بولونور .

عبد اللطیف نوزاد

تاریخ

ابن تیمیه

- باشی ۳۵ نجی صاییده -

ایکنجی مجلس ۱۲ رجب جمعه کونی انعقاد ایتدی : بو دفعه شیخک خصملری مجلسه بر چوق طرفدارلر طوبیلاوب کلشلا ایدی . کلانجی صفی الدین الهندوی وابن تیمیه نك اک بیوک خصملرندن اولان ابن الوکیل ده مجلسده حاضر ایدیلر .

شیخ حضر تلی حضار نظرنده معیوب ومسئول اولدینی حالدله ینه مجلسک

رکئی ایدی : سائل ، محیب ، مفتی وقاضی هپ او ایدی . مجلسده آنک علم وعرفانی حکم سوریوردی .

ابن تیمیه قارشو سوز سوله مک ایچون کال الدین الزماکنی تعین ایدلشیدی .
مجلس آیلنجیه ابن تیمیه شویله سوزه باشلادی :

جناب حق قرآن کریمده « واعتصموا بحبل الله جميعا ولا تفرقوا » آیت جلیله سیله اتحاد والفت امر ایدیور ؛ تفرق واختلافدن منع ایلور . و « ولا تکنونوا کالذین تفرقوا واختلفوا من بعد ما جاءتهم البينات » بیوریور .

اللهیز بردر ، کتاب وییغه برمزده اویلهدر . دیتزک اصلنده تفرقه واختلاف قطعاً یوقدر . شو حائیه کوره بنم ، اهل اسلامی سلف مذهبنه دعوت ایتهم یوزندن خلقک اختلافه دوشه لرینی مناسب کورمیورم . قورقارم که ، بزندن اول کلوب کچلرک محو واتراضلرینه سبب اولان مصیترلر مسلمانلرده دوجار اولماسونلر ! فقط نزاعلر بو وبوندن صوکر کی مجلسلرده دخی حل ایدیلهمیه جکندن بیهوده یرده سوزی اوزاعیه لزوم کورمیورم . بریکز کندیسنگ خنبی ، دیگر بکز اشعری وبعضیلر کرده سائر مذهب منتسبینی اولدقلرینی دعوی ایدیورلر . فقط هیچ بریسی نه کندی مذهبندن ونده حقیقت حالدن خبردار دکلدر . وقوغسز دعوی واعتراضه قالدقشاق کولنجدر . بناء علیه بن کندم بو خصوصده لازم کلن ایضاح وجوابلری سلطانک حضورینه جیقوب کندیسنه عرض ایده جکم » دیدی .

صوکر شیخ ، اهل اسلام آراسنده اولان اختلافلرک اشخاصی سیلرینی ، تاریخی ، ایضاح ایتکه باشلادی . او انسانیه آرادن بریسی آیاغه قالدقارق ابن تیمیه خطاباً : اسلامده کی ایلک اختلاف ، فاسق ، مؤمنی ، کافر می ؟ مسئلهنده اولدی ، دیهرک شیخی تحطیه ایتدی وایلک اختلافک کلام مسئلهنده اولدیغی سویلدی .

ابن تیمیه ، مناظره و مباحثه مشروع بر ایشدر . فقط بونک کندیسنه کوره اصولی و آدابی واددر . بو مجلس رسمی اولدینندن اوکا قارشو دها زیاده حرمتکار اولمالیز ، یکدیگریمزه قارشو ادب وتزاکت دائرمنده اداره کلام

ایتمیز . ادبیر انسان فضیلت سزدر ، بویه قابلقله ایدیلن اعتراضکزه قارشو ، عین قابلقله جواب ویریه جک اولورسه «اعتراضکنز یا کلیشدز» دیمک لازم کلیر: کلام حقنده کی ایلمک اختلافی خلیفه مأمون زماننده میدانده چیقدی . فسق وایمان مسئله سی و بوکا تفرع ایدن اعتزال فرقه سی ، حسن بصری نك وفاتندن سوکرا عمر و بن عید زماننده ظهور ایتدی . بو ایکسنگ آراسنده نه قدر زمان اولدیفنی بوجلسده بیلر اولسه کرک . . . اسلامده ظهوره کلن بدعتلرک تاریخلری ، سیلری و متبدعلرک ترجمه حاللری تمایله خاطرمدده در .

معترض : — احمد ابن حنبل کندی بیوک برعالمدر ، آنک حقنده دیه جکمز یوقدر . فقط کندیسه تابع اولانلرایجرو سنده بزوق آدملرده واردر . ابن تیمیه : — یونی اتکاوایدن یوقدر . امام مالک ، ابوحنیفه ایله شافعی ده بیوک ذاتلردر . فقط بونلره تبعیت ایدنلرکده هر برینی اینی وصال کیمسه لر در دینله مز . آزارنده قناری ده یوله بیلیر . بونلر شویله طورسون حضرت عیسی ایله حضرت محمدک تابعلری آراسنده بیله مفسد و قاسق آدملرک بولنسی انکار ایدیله مز . قرامطه و باطنیه لرک هر بریسی حضرت محمد (ص . ع .) . متاییتی دعوا ایدیورلر ؛ حالوکه افعال و عمللری ایسه همنزجه معلومدر . سوکرا « احمد ابن حنبلک اتباعی آراسنده بزوق کیمسه لر یوقدر » دیه دعوی ایدن اولدیفنی کبی بنم سوزلرمدده دخی بویه بر ادعایه — ضناً بیله اولسون — دلالت ایده جک هیچ برجهت اولدیفندن بوکبی علم مجلسنده بووادیده سوز آجق عیدر .

شیخ ، رفاعیه طائفه سنگده بدعتلری رد و جرح ایتدکن سوکرا آنلرک خلق حضورنده کرامت اوله رق کوسترمکده اولدقلری شیلرک بتون اسرارنی ایضاح ایتدی . و آتسه کیروبده یاغمه لری حقنده کی حاللرک حیلله اولدیفنی سولیدی : بونلر حمامه کیروب وجودلری صیجاق صو و سرکه ایله بیقاسونلرده آتسه کیرسونلر . . . دیدی .

نهایت « حارق العاده » ایشلر حقنده ایضاحاته کیرشدی : « حارق العاده » دینیلن شینگ اصلی اولدیفنی تقدیرده بیله بونک ولی لکه دلالتی یوقدر . اهل

اسلام ایچون یکانه تمک ایدیله جک شی قرآن و سندر . بونلره مخالفت ایدنلرک ایلرند ایلترسه بیک ذرلو حارق العاده خالار بولنسون قیعتی یوقدر .

یومجلسده دخی ابن تیمه نك ضررینه هیچ بر شی اثبات ایدیله مهنسندن و بونلکه برابر مشار الیهک بالخاصه مجلس حضورنده آچقندن آچقه شیخارعلیهنده سولدیکی سوزلردن معبر اولانلر ، هله یوقارده کی معترض شیخ المنجی ، ابن تیمه نك ضررینه دها زیاده سعی و اقدام الیهیه قرار ویردی : « غقیده سی یوزوقدر ، کندیسی مبتدع ، شیخارمه منکر در » دهرک ابن تیمه نك علیه بکلر و اشراف آرمسند پروباغاندا یه باشلادی .

چالیشدی چابالادی . نهایت بر کون ابن تیمه سلطان طرفدن استطاق ایدیلک اوزره مصره چاغریلادی . هر نه قدر « دمشق » شهر ی نائی سلطانک ، ابن تیمه یی مصره کتیرمک ایچون مأموراً کوندردیکی آدمه ، مجلس عمومیده شیخک علیه هیچ بر شیک ثابت اولدیغی ، مذهبی ایسه سلف عقیده سندن عبارت اولدیغی مجلس جه تحقق ایتدیکی سولیه دی ایسه ده « بن آنجیق وظیفه می ایفا ایتکله مکلفم » دهرک مأمور نائیک سوزی قبول ایتدی . ۷۰۵ سنه سی ۱۲ نجی رمضان بازار ایتسی کونی ابن تیمه « دمشق » شهرندن مصره عزیمت ایتدی . بر چوق کیسه لرو بالخاصه شاگردلری شیخی آغلا یه رق تشیع ایتدیلر و دشمنلری ایسه بالطبع بوندن نمون قالدیلر .

مصرده ابن تیمه یی محاکمه ایتک ایچون بر مجلس تشکی ایتدی . مجلس جه شیخه قارشومدی اوله رق عدلان نام ذات تعین ایدیلدی و شویله محاکمه باشلانیلدی : عدلان : — ایسته حضور کزه کتیرلش اولان ذات [ابن تیمه] جناب اللهک حقیقت معناسیله « فوق العرش » حرف و صوت ایله متکلم و جناب کبریا یه قارشو حسن اشارتک ممکن اولدیغی دعوی ایدنلر دندر . بویله مناسبتر سوزلر اسلام دینه خلاف اولدیغی درکار اولغله مشار الیهک شدتله تجزیه ایدیله سنی طلب ایلدم .

یتیمدی . رضاء المیر به فخر المیر